

ԱՌԱՋՆԱԽԱՂ

**ԱԴԱՄՅԱՆՑԻՆԵՐԻ ՓԱՅԼՈՒՆ «ՌԵՎԻԶՈՐԸ»՝ ՌՈՒՍԹԱՎԵԼՈՒ ԲԵՄԻՆ.
ԲՐԱՎՈ՛, ԱԴԱՄՅԱՆՑԻՆԵՐ**

«Ֆայելուն մեղադրելու պատճառ չկա, եթե դեմքը ծուռ է»: 19-րդ դարի ռուս դասական Նիկոլայ Գոգոլի (1809-1852) խոսքերն են «Ինչի՞դր» պիեսի նախաբանում: Կոռուպցիայի ու կեղծ բարեպաշտության մասին մշտամորոգ տրագիկոմեդիան այլևս նորովի՝ Թբիլիսիի Պ.Առաձյանի անվան պետական հայկական դրամատիկական թատրոնի խաղացանկում է: Պրեմիերան (բեմանդրությունը՝ Արմեն Բայանդուրյանի) կայացավ ապրիլի 11-ին, Թբիլիսիի Շ.Ռուսթավելու անվան պետական ակադեմիական թատրոնում: Կայացավ ուղիղ ու մնացած բոլոր իմաստներով:

...Ռուսաստանի գա-
վառական քաղաքներից
մեկում «ահասարսրուռ
լուր» է տարածվում մայ-
րաքաղաք Պետերբուր-
գից ռեւիզոր է գալիս։
Մեդքերի մեջ թաթախ-
ված քաղաքագլուխը (**Մը-
թուր Գասախյալան**) եւ չի-
նովիկներն իրենց հան-
ցավոր ու կաշառակեր
գործերի բացահայտու-
մից սարսափած ոչ էլ
նկատում են, որ հենց այդ
ընթացքում պատահա-
կանորէաւն պարտմոյ



քաղաքում հայտնված ճարպիկ սրիկան՝ խաղամուլ ու գինեմուլ, կնամուլ ու արկածախնդիր մանր պաշտոնյա հալեստակովը (*Աշոտ Սիմոնյան*), բնավ Ռեիզորը չէ։ Իր հանդեպ անմախաղեպ ու արտառոց բարեհաճությունը, շինծու հաճոյախոսությունների տեղատարափն ու քծնանքը, ճիշտ ժամանակին ու ճիշտ տեղում հայտնված խաբեբան՝ Ի շահ իրեն է օգտագործում։ Քաղաքագլխի «աղբորսագին խնդրանքով» նա հաստատվում է սրտ տանն ու անհավանական ստեղծ ներկայացնում ամենայն «ճշմարտությանը ու անկեղծությանը»։ Տեղի չհիմովհիկները խոնարհաբար կատարում են նրա քմահաճույքները, հնազանդվում, կաշառում, ծնկի չեն գալիս։ Կաշին փրկելու համար, քաղաքագլուխը նույնիսկ «աչքերն է փակում»՝ իր կնոջ Աննայի (*Վոդիա Գետրոգյան*) դստեր՝ Մարիայի (*Լիկա Սարուխանովա*) եւ հալեստակովի սիրային եռանկյունիում առաջ։ Երիտասարդը սիրահետում է երկու կանանց միաժամանակ, նետվում մեկ՝ սրա, մեկ՝ նրա գիրկը եւ, ի վերջո, «խնդրում» դստեր ձեռքը։ Ու մինչ ընտանիքը «թեւածում է» մայրաքաղաքում ապրելու ու գեներալության մասին երեւակայական տեսիլքներում, պահի վայելքն ապրած ու «եսի բացահայտման հոտն առած» հալեստակովը՝ փախչում է։ Սակայն, մինչ այդ ընկերոջն իր հետ կատարվածի մասին նամակ է գրում, որը բախտի քմահաճույքով հայտնվում է տանտիրոջ՝ քաղաքագլխի ձեռքում։ Նամակում հալեստակովը ինքնագոհ պարծենում է, որ հաջողացրել է խաբել նրանց, ովքեր ողջ կյանքում անընդհատ խաբել են, թա



լանել՝ նրանց, ովքեր անդադար թալանել են... Ք ա դ ա ք ա գ լ ու խ ը , չինովիկները ապշահար պապանձվում են անճարությունից, երբ հանկարծ ներս է մտնում իրական Ռեիզորը (*Արամ Միքայելյան*)...

Ռուսթավելու դահլճում անշլադ է: Հայու վրացի հանդիսատեսը ոտքի է կանգնում:

Ծափահարու-
թյունները չեն
դադարում: Հան-
դիսատեսը վա-
յելել է դերասա-
նական փայլուն
խաղ, բեմական
գույն (**ԱՆՆԱ ՍՈՒ-
ՐՈՒՆԱԾԵ**), երգ-ե-
րաժշտություն
(**ԻՆՆԱ ՍՈՒՐՈՒՆԱԾԵ**)
(հնչյունալի
ռեժիսորի դերը
այս անգամ
ստանձնել էր թատրոնի
ռեժիսոր **Լեւոն Ուզունյանը**) ու
պարեր (**Սիմա Կերվալիշվիլի**): Հանդիսատեսը ծափա-
հարում է գրեթե բոլոր աղանյանցիներին, որովհետև
ներկայացման մեջ զբաղված է թատրոնի գրեթե ողջ դե-
րասանական կազմը: Յուրաքանչյուր իր դերին համա-
պատասխան տեսքով, վայել կեցվածքով ու վարպետու-
թյամբ է պայմանավորել ներկայացման մեծ հաջողու-
թյունը, թեև դրական հերոսի եւ ոչ մեկը չի մարմնավո-
րել, որովհետև պիեսում նմաններ չկան: Այստեղ բոլո-
րը մեղավոր են բոլորի առաջ, մասնակից՝ վայրագու-
թյունների ու անկարգությունների մեջ: Բոլորը մեղքի
իրենց չափաբաժինն ունեն անդրաբարության գոյության
մեջ: Մեղավոր են ոչ միայն չինովնիկները, այլև կաշա-
ռողները: Խաբեբա ու կեղտոտ են ոչ միայն տղամար-

դիկ, այլեւ՝ տիկնայք:

1836 թվականին գրված «Ռեւիզորն» առ այսօր արդիական է ու, բեմադրվելով տարբեր ժամանակներում, տարբեր երկրներում ու համրաճանաչ ռեժիսորների կողմից, շարունակում է վեր հանել մարդու կեղտոտ էությունը: Վիրահայոց թատրոնում «Ռեւիզորի» առաջին բեմելն անցած դարի 80-ականներին էր՝ այդ տարիների գլխավոր ռեժիսոր Ռոման Զալտիկյանի բեմադրությամբ: Ընդգրկված էին թատրոնի այդ տարիների առաջատար դերասաններ Սերիկ Շեկոյանը, Լեյլա Մկրտչյանը, Ժիրայր Կարապետյանը, Ռոբերտ Յովհաննիսյանը, իսկ խլեստակովի դերում Ֆելիքս Խաչատրյանն էր:

Դերակատարներից մեկը մահել է **Արմեն Բայանդուրյանը** էր, ով այսօր՝ իբրեւ թատրոնի գեղարվեստական ղեկավար եւ ներկայացման բեմադրիչ, ժամանակակից ու նոր երանգներով է ներկայացնում «Ռեւիզորը», եւ համոզված ենք՝ նոր սերնդի հանդիսատեսին թատրոնի կախարդական աշխարհը սիրել տալիք։ Այս բեմադրությամբ եւս նորից է տեսանելի դարձնում իրական կյանքի կեղծ



բարեպաշտությունը, կաշառակերությունը, խարդախությունը, հասարակ մարդու հանդեպ անտարբերությունը, որոնք ցավոք, դար ու ժամանակ չեն ճանաչում: Հետաքրքիր են հատկապես ռեժիսորական լուծումները, որոնք ոչ այլ ինչ են, քան Ն.Գոգոլի մտքի շարունակությունը: Խոսքը ժամանակ առ ժամանակ բեմում

Երեւացող սպիտակազգեստ կանանց մասին է՝ իբրեւ
մաքրության, ազնվության ու խղճի խորհրդանիշ:

Յուրաքանչյուր ներկայացում՝ կատակերգություն, թե ողբերգություն մաքրելու, դաստիարակելու հատկություն ունի, որ կատարսիս է կոչվում: «Թատրոն հաճախելն անգործություն եւ ժամանակի վատնումն կամ պարզապես զբաղմունքն է՝ առում էր Գոգոլը,- թատրոնն ամբիոն է, որտեղից աշխարհին կարող ենք շատ բան ասել բարու եւ չարի մասին»:

...Ուրեմն, նապատակն իրագործված է: Պրեմիերան՝ կայացած...

Բրավո', ադամյանցիներ...

ԳԱՅԱՆԵ ԲՈՍՏԱՆՋՅԱՆ

Լուսանկարները՝ ՎԱԼԵՐԻ ՀՈՒՆԱՆՅԱՆՑԻ

ԿԱՐԾԻՔՆԵՐ` ՆԵՐԿԱՅԱՑՄԱՆ ԱՎԱՐՏԻՆ

«Ռեւիզորի» պրեմիերան անցավ լեւի-լի դահլիճում, առանց որեւէ ազատ պոռոժի: Հանդիսատեսի շարքում էին հայ ու վրաց մտավորականության ներկայացուցիչներ, մշակույթի գործիչներ: Այստեղ էին Վրաստանում Հայաստանի արտակարգ և լիազոր դեսպան Ռուբեն Սադոյանը, Թբիլիսիի Շ.Ռուսթավելու անվան պետական ակադեմիական թատրոնի գեղարվեստական ղեկավար Ռոբիկո Ստուրուան, Վրաստանի մշակույթի նախարարության թատրոնների վարչության պետ Ջազա Սոփրոմանձե, Թբիլիսիի թատերական համալսարանի պրոռեկտոր, թատերագետ, պրոֆեսոր Գիորգի Ջեփտիշվիլին, Հայաստանից ժամանած անվան գեղանկարիչ Սայիս Մխիթարյանը, «Վրաստան» թերթի գլխավոր խմբագիր Վան Բայբուրթյանը...

Ներկայացման ավարտին «**Վրաստանը**» մի քանի հանդիսատեսի խնդրեց կիսվել տպավորություններով:

ՌՈՔԻԿՈ ԱՏՈՒՐՈՒՄ - Այն, ինչ ասել են
Վրաստանի Առաքին Ալիքին, ասեն նաև
«Վրաստանին», որի խմբագիրն իմ լավ
բարեկամն է, եւ որը թատրոնի հետ ձեռք-
ձեռքի բռնած Վրաստանում հայ մշակույթն
ու զիրն է պահպանում:

Իսկապես շատ են հավանել ներկայացումը, սա անսպասելի ու համարձակ որոշում էր իմ գործընկերոջ ու մտերիմ բարեկամի՝ Արմեն Բայանդուրյանի կողմից, քանի որ հեշտ չէ դասական ստեղծագործությունից շեղվել ու հեղինակային հանգուցալուծումներ տալ՝ բազմիցս բեմադրված դասական ստեղծագործության մեջ: Շնորհավորում են աղանյամցիներին եւ ուրախ եմ, որ իրենց խաղացանկվում մնան իրաշաի ներկայացում եւ ունենալու:

ՖԵԼԻՔՍ ԽԱՉԱՏՐՅԱՆ - Թբիլիսիի Պ.Աղաձյանի անվան պետական հայկական թատրոնի դերասան, Խլեստակովի դերակատար՝ 1980-ականներին բեմադր-

ված «Ռեւիզոր»-ում - Ինչ խոսք, հին ու նոր «Ռեւիզոր»-ների միջեւ հսկայական տարբերություն կա, հետեւաբար մաեւ՝ հայեւտակովների: Մոտ 30-ից ավելի տա-րիներ առաջ եմ մարմնավորել այս կեր-պարը: Ժամանակին Ռոման Չալտիկյանի բեմադրութլւրնը նույնպեւ մեծ հաջողու-թլւն ունեցավ: Մեր «Ռեւիզորը» ավելի ավանդական, դասական ոճի մեջ էր, որով-հետեւ սիմվոլիկան, ռիթմը գրեթե բացա-կայլւմ էին այդ տարիների խորհրդային թատրոնում: Չալտիկյանի «Ռեւիզորը» կա-րող էիր դիտել ու հասկանալ առանց ըն-թերցելու, Բայանդուրյանի «Ռեւիզորը» դը-րում է ընթերցել պիեսը: Իրականում Գո-գոլի «Ռեւիզորը» հինգ գործողութլւնից է բաղկացած, եւ, եթե չլինի ռեժիսորի հմուտ բեմադրւմ, այն միգուցե ծանծրալի թվա: Իսկ Բայանդուրյանին դա հաջողվեց: Աշ-տո Սիմոնյան էլ իր հերթին, կարծւմ եմ լավ ներկայացրեց բեմադրիչի պահանջը, հայեւտակովին:

ԱՐՍԵՆ ՀԱԽԱԵՐԴՅԱՆ - Մառնեուլիի մունիցիպալիտետի սակրեբուլոյի Շահում-

յանի եւ լեռնային գոտու գյուղերի մեծամասնական պատգամավոր - Ճափողջույնների ժամանակ հպարտություն ապրեցի ե՛ւ թատրոնի. ե՛ւ մեզ համար: Հաճելի էր նաեւ գտնվել ռուսթավեյսյան լեզենդար թատրոնում: Մեր դերասանները հրաշալի էին: Իսկ «Ռելիզորն» իսկապես սթափեցնող էր, դիպուկ ու շատ արդիական: Յուրաքանչյուրը մեզամիջ, գալով պաշտոնի, պետք է երբեք չկորցնի խղճի ու պատասխանատվության զգացումը:

ՍՄԵԼԼԱ ՄԿՐՏՁԱԼՆ - ջութակահարուհի - Ներկայացումը հիացրեց ինձ դերասանների բնական, անկեղծ ու տաղանդավոր խաղով: Երաժշտական ձեւավորումն ու պարերի բեմադրությունը նույնպես արտակարգ ենթադասակարգման էին տեսարանների հետ: Ձգացվում էր նաեւ, որ հանդիսատեսը կարոտել է իր թատրոնը, դահլիճում ասեղ գցելու տեղ չկար: Գիտեք, արվեստի գործչի համար առիաստարակ, հանդիսատեսից եկող ջերմությունը մեծ նշանակություն ունի: Ես ցավում եմ, որ հայ հանդիսատեսը ներկա չի լինում, օրինակ, մեր Թբիլիսիի պետական կամերային նվագախմբի համերգներին, որն առաջին բարոկկո նվագախումբն է Կովկասում եւ, որի միակ հայ ջութակահարուհին եմ: Ուրախ կլինեմ, որ նույն հանդիսատեսին, մեր թատրոնի հրաշալի դերասանների տեսնել նաեւ մեր համերգներին:

ՎԱՆԻԿ ԱՐՈՍՅԱՆ - Քվեմո-Քարթլիի տարածաշրջանի Մառնեուլիի մունիցի-

պալիտետի Ճերեթելի (Միզդուեկա) գյուղի հանրային դպրոցի տնօրեն - Շնորհակալ եմ Արմեն Բայանդուրյանին մեզ հիշելու ու նման պատվի արժանացնելու համար: Հարցը միայն արտակարգ ներկայացումը չէ, այլև առաջին բեմելի ուրախությունը ինձ մեզ հետ կիսելու պարոն Բայանդուրյանի ցանկությունը եւ, մանավանդ Վրաստանի Մայր թատրոնում, ուր մեզանից ոչ ոք ցավոք չէր եղել: Եկել էինք գրեթե ողջ մանկավարժական կազմով, գյուղի բնակչության ներկայացուցիչներով: Հանդգլած ենք, դեռ երկար ենք գյուղում քննարկելու «Ռեւիզորը» եւ ուրախանալու նման տաղանդավոր դերասանների գոյությամբ:

ԻՐԻՆԱ ԳՅՈՐԱՊԵՏՅԱՆ - մանկավարժ
- Հոյակապ էր դերասանների խաղը, բայց երաժշտությունն ու պարը, ըստ իս քիչ երկար էին, բեմից ավելի շատ խոսք պետք է հնչի: Ի՞նձ հաստապես դուր եկավ Աշոտ Սիմոնյանը՝խլեստակովի դերակատարը: Նա շատ ազատ ու համարձակ էր իր խոսքի, վարքի ու շարժումների մեջ: Չտեսա իլեստակովի ծառայի՞ն, ով ըստ պիեսի առաջինն էր կռահել, որ տիրոջը շփոթել են մեկ ուրիշի հետ, մինչդեռ կարծում են մրա մերկանցյունը պարտադիր էր մերկայացման մեջ:

Կուզեի նաեւ շնորհակալութիւն հայտ-
նել մեր երիտասարդ դերասաններին, ու-
թեր, ի հեռուկա ղգկարութիւնների, մնա-
ցել են թատրոնում ու այսօր կերտում են
նրա ապագան:

COVID - 19

ԿՈՐՈՆԱՎԻՐՈՒՄԸ ԳՈՐԾՆԱԿԱՆՈՒՄ ՀԱՂԹԱՀԱՐՎԵԼ Է

Ապրիլի 11-ին Վրաստանի վարչապետ Իրակլի Դարիբաշվիլին կառավարության հերթական նիստում հայտարարեց, որ Covid-ը գործնականում հաղթահարված է:

- Ցանկանում եմ ուրախացնել մեր քաղաքացիներին, կարելի է ասել, որ Covid-ը գործնականում գրեթե հաղթահարված է: Այսօր ունենք նման իրավիճակ: Ուզում եմ հիշեցնել թերահավատներին, ովքեր երկու ամիս առաջ քննադատում էին իմ խոսքերը: Այն բանից հետո, երբ «Omicron»-ը փոխարինեց այլ տեսակներին, մենք չեղարկեցինք Կանաչ անձնագրերը: Այս որոշմանը հետևեց հայտնի մասնագետների քննադատությունը, թե ինչու է դա արվել եւ այլն: Այդուհանդերձ, պարզ

դարձավ, որ ընդամենը երկու ամսում գործընթացը կառավարվեց նախարարի, կառավարության, խորհրդի կողմից, եւ վիճակը կայունացավ: Ապրիլի 11-ի դրությամբ, եղել է 107 դեպք, դա գործնականում նշանակում է, որ խնդիրը, ճգնաժամը հաղթահարված է: Ինչպես գիտեք, մի շարք սահմանափակումներ վերացվել են, այդ թվում՝ հանրային բացօթյա վայրերում դիմակ կրելը: Ուստի, մեր քաղաքացիներն այս ուղղու-



թյամբ ավելի մեծ ազատություն կունենան: Սթրեսն ու վախը անցյալում կմնան,- ասաց Իրակլի Դարիբաշվիլին:



յին հիվանդության բուժման համար նախատեսված «Պաքսլովիդ» դեղամիջոցը, որով միայն մի

«ՊԱՔՍԼՈՎԻԴ» ԱՐԴԵՆ ԿԻՐԱՌՎՈՒՄ Է

Ի ն չ պ է ս
նշեց Վրաստանի առողջապահության փոխնախարար Թամար Գաբունիան, Վրաստանում սկսվել է կիրառվել կորոնավիրուսա-

թյամբ հիվանդ է բուժվում՝ հիվանդը սկզբում դեղորայքն ընդունում է բժշկի հսկողությամբ:

- Այս դեղորայքի օգտագործումը սկսվել է անցյալ շաբաթ: Հիվանդի վիճակի գնահատումից հետո, բժիշկը կորոշի, թե շարունակելու է արդյոք բուժառումը դեղորայքի ընդունումը,- պարզաբանեց Թամար Գաբունիան:

Ավելի վաղ, փոխնախարարը հայտարարել էր, որ կորոնավիրուսը բուժող «Պաքսլովիդ» դեղամիջոցից հիվանդները կօգտվեն անվճար: Գաբունիան նշել էր նաեւ, որ այս դեղամիջոցը չի վաճառվի դեղատներում:

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՆՅՈՒՆ 503 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 503 075 801-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 6 218 017-ը: Ապաքինվել է 453 481 510 մարդ:



Վարակվածների թվով աշխարհում առաջին տեղում ԱՄՆ-ն է, որտեղ հաստատվել է 82 252 965 դեպք: Այստեղ մահացածների թիվը 1 014 902 է, երկրորդ տեղում Չինաստանն է, որտեղ հաստատված դեպքերի թիվը հասել է 43 039 972-ի, մահացածների՝ 521 772-ի:

Վարակվածների թվով հաջորդ տեղում Բրազիլիան է: Այստեղ վարակվել է 30 234 024, մահացել՝ 661 855 մարդ: Ֆրանսիայում կորոնավիրուսով վարակվել է 27 447 397, վարակի հետեւանքով մահացել՝ 143 910 մարդ: Ֆրանսիային հաջորդում են Գերմանիան, Մեծ Բրիտանիան, Ռուսաստանը, Հնդկաստանը, Իտալիան ու Թուրքիան:

Հայաստանում, ընդհանուր առմամբ, վարակվածների թիվը հասնում է 422 729-ի, մահացածներինը՝ 8 621-ի, ապաքինվածներինը՝ 410 420-ի:

Ադրբեջանում վարակվածների թիվը 792 320 է: Վարակից մահացել է 9 705, ապաքինվել՝ 782 440 մարդ:

Վրաստանում, ապրիլի 15-ի դրությամբ, ողջ համավարակի ընթացքում վարակվել է 1 652 707, մահացել՝ 16 788, ապաքինվել՝ 1 633 338 մարդ:

Ապրիլի 15-ին, կորոնավիրուսով վարակման 235 նոր դեպքերից 121-ը Թբիլիսիում է, Աջարիայում՝ 9, Իմերեթիում՝ 16, Քվեմո Քարթլիում՝ 12, Շիդա Քարթլիում՝ 11, Գուրիայում՝ 15, Սամեգրելո-Ձեմո Սվանեթիում՝ 21, Կախեթիում՝ 19, Սցխեթա-Սթիանեթիում՝ 4, Ռաճա-Լեչխումիում էւ Քվեմո Սվանեթիում՝ 4, Սամցխե-Ջավախեթիում՝ 3: Ապրիլի 15-ի տվյալներով մահացել է 5 մարդ:

Խորագիրը պատրաստեց ԱՐԵՎԻԿ ՄԱՆՈՒԿՅԱՆԸ

ԱԼԵՔՍԱՆԴՐ ԾԱՏՈՒՐՅԱՆ - 157

«...ԳԱԼԻՍ ԵՄ ԳԼՈՒԽ ԽՈՆԱՐՅԵԼՈՒ ՁԵՐ ԱՌԱՋ»



Հուղարկավորությունը կազմակերպել է թաղման հանձնաժողով էր ստեղծել «Մշակ» թերթի խմբագրությունը, որտեղ 11 տարի աշխատել էր բանաստեղծը: Հանձնաժողովի կազմում ընդգրկվել էր նաեւ Հովհաննես Թումանյանը: Թաղմանը ներկա լրագրողները, հասարակական գործիչներն ու համբարներն իրենց դրոշներով, սգո հսկայական թափորով բանաստեղծի դիմ նրա բնակարանից՝ Քոնի ձախ ափին, Վորոնցովի կամրջից ոչ հեռու գտնվող Ռեուտովսկայա փողոցի 25 համարից (ներկայիս՝ Գ.Մազ-

105 տարի առաջ, 1917 թվականի մարտի 31-ին Թիֆլիսի հինավուրց Խոջիվանքի գերեզմանոցում հողին էին հանձնում բանաստեղծ, թարգմանիչ Ալեքսանդր Ծատուրյանին, որի 52-րդ տարեդարձը 3 օր առաջ նշել էին նրա մերձավորները:

Միաշխարհի ուղեկցում էին Վանքի փողոցում (ներկայիս՝ Գ.Աթոնելի փողոցի N5, որտեղ գտնվում են մայրաքաղաքի թիվ 104 հայկական հանրային դպրոցն ու «Վրաստան» թերթի խմբագրությունը) գտնվող առաջնորդաճիստ Վանք եռազմբեթ եկեղեցի, որտեղ պիտի կատարվեր եկեղեցու կարգ: Իսկ քաղաքի հայկական բոլոր դպրոցների ու գիմնազիաների հայ աշակերտներն իրենց նվագախմբերով երկու շաբթ էին կազմել «Ալեքսանդրովսկու բաղից» միմչել Վանք եկեղեցի: Այդ ճանապարհին երկու-երեք ճառատություն կատարվեց, իսկ Խոջիվանքի գերեզմանատանը խոսվեց մի քանի դամբանական:

Ալեքսանդր Ծատուրյանը 19-րդ դարի հայ գրականության նոր պոեզիայի կերտողներից է: Ծնվել է 1865 թվականին, Ջաքաթալա քաղաքում: Նրա կյանքի մեծ մասն անցել է Թիֆլիսում: Իր ֆիզիկական գոյությունը պահպանելու համար բանաստեղծը ստիպված է եղել կատարել տարբեր աշխատանքներ: Հենց նյութական ծանր վիճակն էլ նրան թույլ չի տվել բարձրագույն կրթություն ստա-

նալ: Ծատուրյանի բնածին տաղանդը զարգացել է ջանադիր ինքնակրթության շնորհիվ: Նա գրական ասպարեզ է մտել 1886 թվականին «Որբի գառիկը» բանաստեղծությամբ, որը տպագրվել է «Աղբյուր» ամսագրում: Բանաստեղծական առաջին ժողովածուն լույս է տեսել 1891-ին, իսկ երկրորդը՝ 1898 թվականին: Ծատուրյանի ստեղծագործություններն աչքի են ընկնում հումանիզմով ու ազատասիրական ձգտումներով:

Հետաքրքիր է 19-րդ դարի վերջի եւ 20-րդ դարի սկզբի ռուսականավոր բանաստեղծ Վալերի Բրյուսովի Ծատուրյանի գրական գործունեությանը տրված գնահատականը. «Իր ազդեցությամբ ժամանակակիցների վրա եւ իր բացարձակ նշանակությամբ, Ծատուրյանի պոեզիան հետ չի մնում Հովհաննես Թումանյանից ու Ավետիք Իսահակյանից»:

Հիշենք նաեւ, որ 1910 թվականին նշվել է Ալ.Ծատուրյանի գրական գործունեության 25-ամյակը: Այդ առիթով պոետին ուղղված նամակում Մեծն Ավետիք Իսահակյանը գրում է. «...Եվ այսօր ես՝ Ձեր կրտսեր եղբայրը, գալիս եմ գլուխ խոնարհելու Ձեր առաջ, եւ ոչ միայն նրա առաջ, ինչ որ Դուք արել եք եւ ստեղծել, այլ այն մեծության առաջ, որ չարտահայտվեց ու չասվեց, որը կար Ձեր հոգում, եւ որը խեղդվեց մեր անհրապույր միջավայրում»:

ԿԱՐԻՆԵ ՄԱՆՈՒԿՅԱՆ



Ալեքսանդր Ծատուրյանի տապանաքարը Խոջիվանքի պանթեոնում

ՑԵՐԵԿՈՒՅՑ

ԽՈՆԱՐՀՈՒՄՈՎ ԵՎ ԵՐԱՆՏԱԳԻՏՈՒԹՅԱՄԲ՝ ՄԱՅՐԵՐԻՆ

Համավարակով պայմանավորված, շուրջ 2 տարվա դադարից հետո, մայրաքաղաքի թիվ 103 դպրոցում կրկին մարդաշատ միջոցառում էր:



Ապրիլի 14-ին գարնանաբույր տրամադրությունն էր թեւածում կրթօջախի դահլիճում: «Օրինյալ լինեն բոլոր մայրերը» խորագիրն էր կրում հայկական բաժանմունքի ուժերով կազմակերպված միջոցառումը: Գեղեցիկ զարդարված բեմահարթակից ներկաներին «Մայրության եւ գեղեցկության տոնի» առիթով շնորհավորական ողջույնով դիմեցին բարձր դասարանների աշակերտները: Այնուհետեւ ցերեկոյթին ներգրավված միջին եւ ցածր դասարանների սաները ներկայացրին Սուրբ Մարիամ Աստվածածնի ավետման տեսարանը: Իրար հաջորդող մասնակիցների շուրթերից հնչեցին բանաստեղծական գոհարներ՝ նվիրված մորը, մայրական քնքշանքին ու սիրուն: Գրական-գեղարվեստական ցերեկոյթը մի առանձնահատուկ մեծարանքի ու երախտագիտության խոստովանություն էր մեր Սուրբ մայրերին: Ինչպես ասումնքի ու տպավորիչ խոսքերի, այնպես էլ՝ հեզաճկուն պարային կատարումների (պարուսույց՝ Անգելինա Նազարյան-Քոչյան) ուրախ եւ աշխույժ հույզերը փոխանցվեցին դահլիճում գտնվող մայրերին, տատիկներին, ուսուցիչներին: Թե՛ աշակերտները, թե՛ դպրոցի հայրը լեզվի ու գրականության շնորհաշատ եւ վաստակաշատ ուսուցչուհի Գայանե Մխիթարյանը սեր ու ջերմություն չէին խնայել գերազանց միջոցառում կազմակերպելու համար:

Շնորհավորանքի խոսքերով հանդես եկան դպրոցի տնօրեն Արչիլ Զխաիձեն, ուսմասվար Հասմիկ Պապիկյանը, Վրաստանի կրթության եւ գիտության նախարարության աշխատակցուհի Կարինե Մանուկյանը, որոնք կարեւորեցին մոր, կնոջ դերը ընտանիքում, հասարակության մեջ:

ՄԱՆՈՒԿ ԿԱՐԻՆՅԱՆ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ԿԱՐԵՆ ԴԵՄԻՐՃՅԱՆ - 90. ԱԶԳԱՆՎԵՐ ՊԵՏԱԿԱՆ ԵՎ ՔԱՂԱՔԱԿԱՆ ԳՈՐԾԻՉ

Խորհրդային Հայաստանի քաղաքական-պետական գործիչների ընդհանուր շղթայի մեջ Կարեն Սերոբի Դեմիրճյանը եղավ վերջինը՝ իր ուրույն ծեռագրով, ինքնատիպ գործելակերպով, սեփական ազգային դիմագծով, անցած փառափառ ուղիով եւ, որ շատ ցավալի է, ողբերգական վախճանով: Վերջին տարիները եկան մի անգամ եւս հաստատելու այն ճշմարտությունը, որ վառ անհատականությունների գործունեության զնահատականներում ժողովուրդը չի սխալվում Կարեն Դեմիրճյանի անձի նկատմամբ համաժողովրդական սիրո եւ երախտագիտության զգացումները մնացել են անխախտ:

Կարեն Դեմիրճյանն անցել է խորհրդային կուսակցական-պետական գործիչ լիարժեք դպրոց: Ավարտելով Երեւանի պոլիտեխնիկական ինստիտուտի մեխանիկայի ֆակուլտետը՝ ուսումը շարունակել է ԽՍՀՄ Կենտկոմին առընթեր բարձրագույն կուսակցական դպրոցում: Աշխատել է ըստ մասնագիտության Երեւանի էլեկտրատեխնիկական գործարանում՝ անցնելով շարքային տեխնոլոգից մինչեւ գործարանի տնօրենի բոլոր փուլերը: 1966թ. Կ.Դեմիրճյանը կուսակցական աշխատանքի մեջ է՝ զբաղեցրել է Երեւանի քաղաքային կոմիտեի, իսկ 1972-ին՝ նրան վստահեցին Հայաստանի կոմկուսի Կենտկոմի առաջին քարտուղարի պաշտոնը:

Խորհրդային Հայաստանի քաղաքական-կուսակցական, ապա նաեւ տնտեսական կյանքում առաջին դեմքի կարգավիճակը Կարեն Սերոբիչին հնարավորություն տվեց արդեն 1975թ. զարմանից ծեռանալու լինելու հանրապետության առջեւ դրված բազմապիսի խնդիրների լուծմանը: Դրանցից առաջնայինը դեռ 20-ական թվականների վերջից Հայաստանի

արդյունաբերության մեջ արմատավորված «փոքր հանրապետություն-մեծ քիմիա» աղետաբեր կարգախոսից հրաժարումն էր, գրեթե պատրաստ Հրազդանի լեռնաքիմիական կոմբինատը վերապրոֆիլավորումը մեքենաշինականի:

Գյուղատնտեսության ոլորտում կառուցվեցին խոշոր անասնապահական, ձկնաբուծական տնտեսություններ, տասնյակ թռչնանոցներ: Կարեն Դեմիրճյանը հատուկ ուշադրություն հատկացրեց հանրապետությունում շինարարական ծավալների ավելացման վրա: Ավարտվեցին Արփա-Սեւանի ջրատարի, Մետրոպոլիտենի, Մարգահաներգային համալիրի, Կարեն Սերոբիչի կողմից անվանակոչված եւ իրականացված «Զվարթնոց» միջազգային օդանավակայանի եւ բազմաթիվ այլ խոշոր կառույցների, բնակելի թաղամասերի ու տների շինարարական աշխատանքները, որոնք Հայաստանի դեկի մոտ կանգնած գործչին բերեցին միանգամայն վաստակած «Կարեն Շինարար» պատվանունը:

Երջանկահիշատակ Կ.Դեմիրճյանի գործունեության մեջ ուրույն տեղն ունեն հայ

մշակույթի, գիտության ու կրթության նկատմամբ հոգատար վերաբերմունքը: Հայարվեստի ու գրականության նկատմամբ Դեմիրճյանի ընդգծված վերաբերմունքն արտահայտվեց նաեւ հայոց մեծերի՝ Արամ Խաչատրյանի, Հովհաննես Շիրազի, Սիլվա Կապուտիկյանի, Անտո Բաբաջանյանի, Էդվարդ Միրզոյանի, մարշալ Հովհաննես Բաղդասյանի եւ այլոց հետ նրա հաստատած ջերմ ու անկեղծ բարեկամության մեջ:

Ծագումով Երզրից՝ Արեւմտյան Հայաստանից պապերի հոգու թելադրանքով Կարեն Դեմիրճյանը, դարձյալ հաղթահարելով բազմաթիվ խոչընդոտներ, նոր քայլեր կատարեց Յ. Զարոբյանի սկսած ծեռնարկումների ուղղությամբ: Արդեն 1975թ. ապրիլի 24-ին նորընտիր առաջին քարտուղարը մտքեց հեռուստատելությունով ժողովրդին դիմելու եւ «լուծության թուղթով» Մեծ եղեռնի անմեղ նահատակների հիշատակը հարգելու ավանդույթը:

Անսալով իր ժողովրդի լայն շերտերի ծայրին, գիտակցելով նոր պայմաններում իր գործունեության օգտակարությունը՝ Կարեն Դեմիրճյանը վերադարձավ մեծ քաղաքականություն: Ավա՛ղ, 1999-ի հոկտեմբերի 27-ին ՀՀ Ազգային ժողովի նախագահ Կարեն Դեմիրճյանի, վարչապետ Վազգեն Սարգսյանի եւ պետական մյուս գործիչների չարանեմզ սպանությունը լրջորեն խաթարեց մեր երկրի զարգացման



բնականոն ուղին, ի չիք դարձրեց բազմաթիվ ազգային ծրագրեր եւ իր ծանր կնիքը թողեց մեր հասարակական գիտակցության վրա:

Այսօր՝ Կարեն Սերոբի Դեմիրճյանի ծննդյան 90-րդ տարեդարձի օրը, կարող ենք իբրեւ մխթարություն արձանագրել, որ նրա անմար հիշատակը միշտ վառ է մնալու մեր երախտապարտ ժողովրդի սրտում: Ժամանակն արդեն տվել է Դեմիրճյանական էպոխայի գնահատականը, իսկ նրա գլխավոր դերակատարի անունը, ինչպես ճիշտ նկատել են ժամանակակիցները, պատմությունը ներառել է վառ անհատականությունների կյանքի տարեգրության հավերժական շղթայի մեջ:

ԱՇՈՏ ՄԵԼՔՈՆՅԱՆ
ՀՀ ԳԱՍ պատմության ինստիտուտի տնօրեն, ՀՀ ԳԱՍ ակադեմիկոս

ՆԻԿՈԼ ՓԱՇԻՆՅԱՆ. «ՎՐԱՍՏԱՆԻ ՀԵՏ ՀԱՄԱԳՈՐԾԱԿՈՒԹՅՈՒՆՆ ԱՌԱՎԵԼ ԱՐԴՅՈՒՆԱՎԵՏ ԴԱՐՁՆԵԼՈՒ ՀԱՐՅՈՒՄ ՏԱՐԵՆԹԵՅՈՒՄՆԵՐ ԶԿԱՆ»

(Սկիզբը՝ 1-ին էջում)

Նաեւ արտաքին քաղաքականության ոլորտում տարբեր վեկտորներ ունենալու հանգամանքը, ինտեգրացիոն տարբեր համակարգեր ընտրելու հանգամանքը որոշակի ազդեցություն են ունենում: Բայց պետք է գոհունակություն հայտնել, որ փաստացի այդ ազդեցությունը մեր հարաբերությունների վրա հասցված է նվազագույնի,- ասաց Հայաստանի վարչապետն ու հավելեց, որ պետք է աշխատել այնպես, որ նույնիսկ այդ նվազագույն ազդեցությունը չնկատվի երկու երկրների տնտեսական հա-

րաբերություններում, մասնավոր դր, գործում է ազատ առեւտրի համաձայնագիր:

- Կան նաեւ տարանջման հետ կապված հարցեր, որոնք պարզապես անհաղթահարելի են: Երբ եղանակային պայմանների պատճառով Վերին Լարսը փակվում է, ո՛չ Վրաստանի, ո՛չ Հայաստանի կառավարությունը ինչ-որ իրավիճակներում ոչինչ անել չի կարողանում: Հիմա մենք լաստանավի գործարկման որոշում ենք կայացրել, եւ դեռ պետք է տեսնենք՝ կաշխատի՞, թե՞ ոչ,- ասաց Նիկոլ Փաշինյանը:

Ըստ վարչապետի, Վրաստանի հետ

միջպետական հարաբերությունների խնդիրը տնտեսական, քաղաքական, մշակութային եւ բոլոր ոլորտներում համագործակցությունը մաքսիմալ արդյունավետ դարձնելն է: Վրաստանի հայրենակիցների գործունե շատ էական է այս հարաբերություններում:

- Եվ մենք հետևողական ենք այդ հարցերում: Ուրախ ենք, որ Վրաստանի կառավարությունը եւ մեր կառավարությունը այս հարցերում տարընթերցումներ չունեն,- ասաց Նիկոլ Փաշինյանը՝ պատասխանելով Շիրակ Թորոսյանի հայ-վրացական հարաբերությունների վերաբերյալ հարցին:

ԵՐԵՎԱՆՈՒՄ ՆՇՎԵՑ «ՎՐԱՑ ԼԵԶՎԻ ՕՐԸ»

Ապրիլի 14-ին Երեւանի Վալերի Բրյուսով անվան պետական համալսարանի միտերի փողոց դահլիճում, բուհի ուսանողների մասնակցությամբ եւ վրացերենի դասախոս Ջեննի Թամարյանի նախաձեռնությամբ, անցկացվեց «Վրաց լեզվի օրվան» նվիրված միջոցառումը:

Միջոցառմանը ներկա էին ԲՊՀ-ի ուսումնագիտական աշխատանքների հարցերով պրոռեկտոր Բելլա Մարգարյանը, ԲՊՀ ղեկավարները, պրոֆեսորադասախոսական կազմի ներկայացուցիչներ եւ ուսանողներ: Ուսանողները վրաց հեղինակների բանաստեղծություններ ար-

տասանեցին, կարդացին հետաքրքիր տեղեկություններ վրացական ավանդույթների, գինու եւ կենցաղների վերաբերյալ: Իսկ միջոցառման վերջում նաեւ պարեցին վրացական գեղեցիկ պար՝ հիացնելով բոլոր ներկաներին:



ՆԿԱՐԶԱԿԱՆ ՄՐՑՈՒՅԹ-ՓԱՌԱՏՈՆ՝ ՍՓՅՈՒՌԻ ՆԵՐԿԱՅԱՑՈՒՑԻԶՆԵՐԻ ՄԱՍՆԱԿՑՈՒԹՅԱՄԲ



Այն կանցկացվի Հայաստանի Հանրապետության կրթության, գիտության, մշակույթի եւ սպորտի նախարարության եւ Հերթիկ Իգիթյանի անվան Գեղագիտության ազգային կենտրոն՝ «Երեբունի» պատմահնագիտական արգելոց-

Հայաստանում կանցկացվի համահայկական մանկապատանեկան նկարչական ամենամյա մրցույթ-փառատոն՝ «Ինքնաճանաչում. Երեբունի» խորագրով:

թանգարանի հետ համատեղ:

«Վերջին մի քանի տարիները մարտահրավերներով լի են ինչպես ողջ աշխարհի, այնպես էլ հատկապես Հայաստանի Հանրապետության համար: Այս հարափոփոխ եւ անկայուն իրականության պայմաններում առավել քան երբեք, կարևոր ենք համարում հայոց

պատմությանն ու մեր արմատներին առավել խորությամբ անդրադառնալու հրամայականին ակամջալուր լինելը,- ասվում է հաղորդագրության մեջ:

Մրցույթ-փառատոնին կարող են մասնակցել 6-18 տարեկան արվեստասեր եւ ստեղծագործական շնորհք ունեցող հայ մանուկներ եւ պատանիներ ամբողջ աշխարհից՝ Հայաստանի, Արցախի եւ Սփյուռքի բոլոր տեսակի կրթօջախների սաները, ինչպես նաեւ պարզապես ստեղծագործող, որեւէ մասնագիտական հաստատություն չհաճախող երեխաները:

ԶԱՏԿԱԿԱՆ ԾԱՌԱՏՈՆ ՀԱՅԱՍՏԱՆՈՒՄ

Հայաստանի կրթության նախարարության աջակցությամբ, ապրիլի 17-ին Երեւանի Սուրբ Աննա եւ Սուրբ Կաթողիկե եկեղեցիների բացօթյա տարածքում, առաջին անգամ կանցկացվի «Ջափրկական փառատոն»: Փառատոնի ընթացքում կներկայացվեն «Երեխաների հարուկ սրբեղծագործական կենսություն» եւ մասնագիտացված այլ կազմակերպությունների սաների չեռքի աշխատանքները, երեխաները հանդես կգան երաժշտական կատարումներով: Համերգային ծրագրում կընդգրկվեն նաեւ ճանաչված երաժիշտներ: Փառատոնին աջակցում են Սայր Աթոռ Սուրբ Էջմիածինը, «Յորմիակ Արտ» ընկերությունը եւ «ՀԵՀԵՄ» գրասենյակը:

ՌՈՒՄԱԿԱՆ ՌՈՒԲՐԻԿԵՐ՝ ՉԱԶԻ ԳԻՄԱՑ

Հայաստանը ռուսական զազի դիմաց սկսել է վճարել ռուբլով: Հայաստանի Էկոնոմիկայի նախարար Վահան Զեյնալյանի տեղեկությունների համաձայն, վերջին մի քանի վճարումները եղել են հենց ռուբլիներով, բայց համապատասխան փոխարժեքով: Նրա խոսքով, գնազույսույունը կատարվում է դոլարով, սակայն վճարումն իրականացվում է ռուբլիներով: «Գազարոմի» պաշտոնական ներկայացուցիչ Սերգեյ Կուլարիյանովը եւս հաստատել է տեղեկությունը:

116,4 ՄԻԼԻՈՆ ԵՎՐՈՅԻ ՕԳՆՈՒԹՅՈՒՆ ՉԵՐՄԱՆԻՍԻՑԻՑ

Ապրիլի 12-ին Հայաստանի Ազգային ժողովում Էկոնոմիկայի փոխնախարար Ռաֆայել Գեւորգյանը ներկայացրեց «Հայաստանի եւ Գերմանիայի կառավարությունների միջեւ 2020 թվականի ֆինանսական համագործակցության մասին» համաձայնագիրը վավերացնելու մասին նախագիծը, ըստ որի, Հայաստանին կորամադրվի 116 միլիոն 400 հազար եվրոյի ֆինանսական օժանդակություն: Համաձայնագրով նախատեսվում է նաեւ 3,4 մլն եվրոյի ֆինանսական օժանդակություն տրամադրել Հայաստանին կենսաբազմազանության ու կայուն զարգացման ծրագրերի իրականացման, եւս 3,4 մլն եվրոյի ֆինանսական օժանդակությունը նշված ծրագրի իրականացման ու տեխնիկական աջակցմանն ուղղված անհրաժեշտ ուղեկցող միջոցառումների համար:

ԵԿԵՂԵՑԱԿԱՆ

17.04.2022 Սուրբ Հա-
րություն տոն

Հիսուս Քրիստոսի հրաշ-
ափառ Հարության տոնը կոչ-
վում է նաեւ Ջատիկ, որը
նշանակում է զատում, բա-
ժանում, հեռացում մեղքե-
րից եւ վերադարձ առ Աստ-
ված: Ջատիկը թե՛ Հին, եւ
թե՛ Նոր Կտակարաններում համար-
վում է 5 տարավար տոներից մեկը:

Հիսուս Քրիստոսի հրաշափառ
Հարություն՝ Սուրբ Ջատիկից սկսած
հիսուն օրերը մինչեւ Հոգեգալուստ
(Պենտեկոստե) Հայ Առաքելական
Եկեղեցում կոչվում են Հինունք կամ
Հինանց շրջան՝ նվիրված Տիրոջ
Հարության եւ Համբարձման խորհր-

Ա Պ Ր Ի Լ



դին: Այդ պատճառով ամ-
բողջ շրջանը կոչվում է Տե-
րունի:

Հինանց շրջանի վերջին
տասն օրերը նվիրված են
Քրիստոսի Համբարձմանը:
Հինանց շրջանն ավարտ-
վում է Հոգեգալուստյան տո-
նով (այս տարի՝ մայիսի 11-
ին): Համաձայն եկեղեցու կանոն-
ների, բոլոր հիսուն օրերն ուսույժ
են, այսինքն՝ այս շրջանում չկան
պահոց օրեր եւ թույլատրելի են բո-
լոր կերակրատեսակները:

23.04.2022 Սուրբ Հովհաննես
Մկրտչի գլխատման հիշատակու-
թյան օր

ԵՂԱՆԱԿ

ԱՊՐԻԼՅԱՆ ԱՆՈՄԱԼ ԵՂԱՆԱԿ ՎՐԱՍՏԱՆՈՒՄ

2022 թվականի գարունը,
ամենայն հավանականությամբ,
առանձնակի տեղ կգրադեցնի
օդերեւութաբանության մատե-
նագրության մեջ, որովհետեւ
անոմալիան գրանցվեց դեռ
մարտին Վրաստանի ողջ տա-
րածքում պահպանվող սառ-
նամանքների ու ձնատեղումների տեսքով:



Ապրիլ ամսվա առաջին տաս-
նօրյակի վերջին ծյուրը տեղաց
Ախալքալաքիում եւ Նինոծմինդա-
յում: Միջազգային նշանակության
Մցխեթա-Ստեփանծմինդա-Լարս
ավտոճանապարհի Գուդաուրի-Կո-
բի հատվածը փակվեց բոլոր տե-
սակի տրանսպորտային միջոցնե-
րի համար, որի պատճառը եղանա-
կային վատ պայմաններն ու ձնա-
հոսքերն էին:

Ուժգին քամիները լուրջ վնաս
հասցրին Թբիլիսիին, Բաթումիին,
Գորիին:

Թբիլիսիի Վարկեթիլի թաղա-
մասում ուժեղ քամին տապալեց
ծառ, որի տակ հայտնվեցին երկու
կին: Ծանր վնասվածքներով 40-ամ-

յա կանանց տեղափոխեցին հիվան-
դանոց, չնայած նրանցից մեկին փր-
կել չհաջողվեց:

Գորիում, ուժեղ քամու հարվա-
ծից պոկված տանիքը մարմնակա-
ն վնաս հասցրեց մի կնոջ, որին հի-
վանդանոցում ցուցաբերվեց բժշ-
կական օգնություն:

Ուժեղ քամիները խնդիրներ են
առաջացրել նաեւ Բաթումիում.
վնասվել մի քանի շենքերի տանիք-
ներ, մեքենաներ, արմատախիլ են
եղել ծառեր:

Շրջակա միջավայրի ազգա-
յին գործակալության հաղորդ-
մամբ, սպասվում է օդի ջերմաս-
տիճանի զգալի նվազում այժմ
արդեն ապրիլին:

ՄԱՅՐԱՔԱՂԱՔ

ԹԲԻԼԻՍԻՈՒՄ ՍԿՍՎՈՒՄ Է ՄԵՏԵԽԻԻ ԿԱՄՐՁԻ ՎԵՐԱՆՈՐՈՎՈՒՄԸ

Թբիլիսիի քաղաքապետ Կա-
խա Կալաձեի հայտարարությամբ,
քաղաքապետարանը սկսում է Մե-
տեխիի կամրջի ամբողջական վե-
րականգնումը:



Նրա խոսքով, աշխատանքների
ընթացքում մասամբ կսահմանա-
փակվի Մետեխիի կամրջի եւ հա-
րակից տարածքի երթևեկությունը:

- Սա մեր նախընտրական խոս-
տումն էր: Նախագծի շրջանակնե-
րում, ճանապարհը կասֆալտա-
պատվի, կվերանորոգվեն մայթերն
ու կծածկվեն բնական քարե սա-
լիկներով:

Նախատեսվում է նաեւ ամրացնել եւ մշակել
ճակատամասերն ու կամարները: Բացի այդ,
կթարմացվեն կամրջի չուգունե ճաղավանդակ-
ները, առանց արտաքին տեսքի փոփոխման: Աշ-

խատանքները կսկսվեն մոտ տասն օրից: Նա-
խօրք տեղեկատվություն կտրամադրենք ճա-
նապարհի փակման մասին,- նշեց Կախա Կա-
լաձեն եւ հավելեց, որ ծրագրի արժեքը մոտ եր-
կու միլիոն լարի է:

ՀԱՅՏԱՐԱՐՈՒԹՅՈՒՆ

ԱՊՐԻԼԻ 25-ԻՑ ՎԱՐՈՐԴԱԿԱՆ ԻՐԱՎՈՒՆՔԻ ՔՆՆՈՒԹՅԱՆ
ԳՈՐԾՆԱԿԱՆ ՄԱՍԸ ԿԴԱՌՆԱ ԵՐԿՓՈՒԼ



Վրաստանի ներքին գործերի նախարարության սպասարկման գործակալու-
թյան տեղեկատվությամբ, ապրիլի 25-ից «B» եւ «BE» կարգի տրանսպորտա-
յին միջոցների կառավարման իրավունքի քննության գործնական մասը
կդադարեցի:

Վարորդական իրավունք
ստանալ ցանկացողները
նոր չափանիշով գործնական
թեստը կկարողանան անցնել
Ռուսթավի, Գորիի, Թելավի, Փոթիի, Ախալց-
խեի, Քութայիսի, Սաչխերեի, Օզուրգեթի եւ
Բաթումիի ծառայություններում:

Փոփոխությունների համաձայն, փակ տա-
րածքում հատուկ մաները հաջողությամբ ավար-
տելուց հետո, վարորդի թեկնածուն կանցնի երկ-
րորդ փուլ՝ իրական երթևեկության պայմաններ:
Յուրաքանչյուր քննական ծառայության համար
մշակվել են մի քանի երթուղիներ, որոնք կհաս-
տատվեն Վրաստանի ներքին գործերի նախա-
րարի համապատասխան հրամանով:

Գործնական քննության երկրորդ փուլի
համար հերթագրվելը պարտադիր է, որը հնա-

րավոր է ուղղակի դիմելով գործակալության
համապատասխան կառուցվածքային ստո-
րաբաժին, վեր կայքի կամ բջջային հավել-
վածի միջոցով:

«Վարորդ դառնալու թեկնածուն իրավունք
ունի առաջին փուլը հաջողությամբ անցնելուց
հետո, 365 օրացուցային օրվա ընթացքում անց-
նել գործնական քննության երկրորդ փուլը:
Անբավարար արդյունքի դեպքում, հաջորդ քն-
նությունը հնարավոր կլինի հանձնել՝ հերթագր-
վելով ոչ շուտ, քան 30 օրում»,- ասվում է տե-
ղեկատվության մեջ:

Վրաստանի ՆԳ նախարարության սպասարկ-
ման գործակալության տվյալներով, 365-օրյա ժամ-
կետը լրանալու դեպքում տեսական եւ գործնա-
կան քննության առաջին փուլում ստացված բա-
վարար արդյունքը կորցնում է իր օրինական ուժը:

1		2		3		4		5		6		7
					8							
		9						10				
14	15		16		17					13		
18									19	20		21
	22				23			24				
25				26						27	28	
							29	30	31			
32		33				34						
		35	36								37	38
	39				40		41		42		43	
44						45						
46						47				48		
		49						50				
						51						

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Թերակղզային պետություն:
4.Արամեի երգացանկից՝ «... տարի»: 9.Հյուսնի
գործիք: 10.Կավագործ: 11.Ակսել Բակունցի գրա-
կան հերոս: 13.Հայկական ֆիլմ՝ «... ծովում ար-
շալույսը»: 14.Եռացող, արագ ընթացող գործ:
17.Հայ գուսան: 18.Վրացական սպորտային թերթ:
19.Ամերիկյան նահանգ: 22.Շատ ձգված, լարված:
23.«Հարսնացու հյուսիսից» ֆիլմի հերոս: 27.Թատ-
րոնի մաս: 31.Որսի կենդանի: 32.Վայրենի, անո-
ղորմ, կատաղի: 34.Աշխարհահռչակ աստղադի-
տարան Հայաստանում: 35.Հարավլավական ազգ:
37.... եւ աղյակ: 39.Խոտակեր կենդանու մարմնի
մաս: 40.Կայենի զոհը: 42.Վրաց գրող, հասարա-
կական գործիչ ... Ծերեթելի: 44.Եմենի մայրաքա-
ղաքը: 45...., նույն, միեւնույն: 46.Հարցական դե-
րանուն: 48.Գանայի սիրտը: 49.Հատկավոր բույս:
51.Գեներալի ուսերին:

ՈՐՈՇՈՒՄՆԵՐ. 1.Գրական հերոս Շիրվանզադեի
«Պատվի համարում»: 2.Քաղաք եւ մունիցիպա-
լիտետ Վրաստանում: 3.Սիբիրյան գետ: 5.Ուսուց-
չապետ, դպիր: 6.Պետություն Հարավային Ամերի-

կայում: 7.Վ.Տերյանի ծննդավայր գյուղը: 8.Վրաց
թագավոր: 11.Երաժշտական հարվածային գոր-
ծիք: 12.Երկնքի կապույտը: 15.Երաժշտության տե-
սակ: 16.Հանրահայտ երգիչ ... Մնացականյան:
20.Միջինասիական ազգ: 21.«Արտավազդ» թա-
տերական մրցանակաբաշխության հաղթող, Հա-
յաստանի վաստակավոր արտիստ, Ավետ Ավե-
տիսյանի մրցանակի դափնեկիր ... Մարության:
24.Վառ կարմիրը: 25.Հին Վրաստանում ժողովր-
դական խավ, իշխան: 26.Լուսաբաց, այգ: 28.Ձի-
երի խումբը: 29.Թբիլիսահայ գրող Վալերի Հու-
նանյանցի Կոմիտասին նվիրված վեպը՝ «Ժվլ բու-
ժարանի ...»: 30.Հայերենի հոլով: 33.«Արգո» նա-
վի նավապետը: 36.Միակ, անկրկնելի: 38.Կարծա-
խում ծնված հայ աշուղ: 39.Բեմարվեստի տեսակ:
41.Նար-Դոսի վիպակներից «... եւ նա»: 43.Թագա-
վոր, երկրի ղեկավար: 44.Հանրահայտ երգչուհի
Լուսինե Չաքարյանի երգացանկից «...»: 47.Բան-
ջարանցի փոքր գետը: 49.Յոթերորդ ծայնանիշը:
50.Անորոշ դերանուն:

Կազմեց ԱՆՆԱ ՍՈՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 6.Տղմա: 8.Ամենա: 10.Արամ: 11.Տան: 13.Բաղրի: 14.Մարտունի: 16.Մալի: 17.Հոր:
18.Տավիղ: 20.Դաթա: 21.Լոկ: 22.Շուտա: 26.Ալավ: 28.Բագին: 31.Լիր: 32.Կույ: 34.Կանն: 35.Մարգո:
36.Չայն: 38.Դիք: 41.Հաստ: 43.Սրբուհի: 45.Օղակ: 48.Քիթ: 49.Թարմ: 52.Եմիշ: 53.Կառ: 54.Լուս: 55.Ակին:
56.Թոք: 57.Խաշու: 58.Դող: 59.Վան: 60.Նոր:

ՈՐՈՇՈՒՄՆԵՐ. 1.Մոռամալ: 2.Լարի: 3.Գամա: 4.Բերրի: 5.Պատուհան: 7.Մարտիկ: 9.Անիրավ: 12.Անոթ:
15.Ալբալի: 19.Վոլգա: 23.Տալոն: 24.Պարմա: 25.Աննա: 27.Մոգ: 29.Ակաի: 30.Ինձ: 32.Կրիա: 33.Պորտ:
37.Յորք: 39.Քղամիդ: 40.Սուրաբա: 41.Հիթ: 42.Սիրուշո: 44.Բիկով: 46.Դեկ: 47.Կինո: 50.Ալան: 51.Մուր:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺՈԼՈՆՈ 0105, ՃԱՄԲԵՂՈՆ ՄՅՅԱ 5,
Մեր հասցեն՝ Թբիլիսի 0105 Գ.Աթոնելի փ. 5
ԾՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԾԱՅՈ»
ՄԺՈԼՈՆՈ, ՆԱՅՅԵՄՅԵՄՈ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445